



Enfòmasyon pou moun ki pa sitwayen ameriken k ap aplike pou yon benefis piblik

Paj sila a bay moun ki pa sitwayen ameriken yo bon jan enfòmasyon sou kouman Pwogram Verifikasiyon Sistematik sou Dwa Etranje (Systematic Alien Verification for Entitlements: SAVE) afekte aplikasyon w lan pou benefis piblik.

Si ou pa yon sitwayen ameriken oswa ou se yon sitwayen ki natirализe, yon ajans k ap akòde benefis ka verifye kondisyon imigrasyon w Ozetazini apatide Pwogram SAVE la, anvan li ba w yon lisans chofè eta a emèt, yon kat Sekirite Sosyal, asistans pou lojman, Medicaid, koupon pou achte manje (food stamps), oswa lòt benefis piblik. Pou yon ajans federal, leta oswa lokal k ap akòde benefis kapab gen aksè a enfòmasyon imigrasyon w atravè SAVE, se pou ajans sa a gen otorite legal pou l verifye kondisyon imigrasyon w epitou se pou l siyen yon akò avèk Pwogram SAVE la. Sèl rezon ki fè SAVE bay ajans lan enfòmasyon sou kondisyon imigrasyon se pou pèmèt ajans lan detèmine si ou satisfè kondisyon elijibilite yo. Se responsabilite ajans lan pou l suiv pwoesisiun verifikasiyon SAVE etabli a e pou l detèmine elijibilite w pou benefis.

Kouman ajans ou a verifye kondisyon imigrasyon w atravè pwogram SAVE la

Lè w aplike pou yon benefis nan yon ajans gouvènman, yo ka mande w pou soumèt reprezantan ajans lan dokiman ki montre kondisyon imigrasyon w, tankou Papye ki make dat Arive/Depa w (Fòmilè I-94), Kat Etranje w (Fòmilè I-551), Dokiman Otorizasyon pou Travay (Fòmilè I-766) oswa Paspò Etranje ak Viza. Ajans lan lè sa a antre enfòmasyon ki nan dokiman imigrasyon w lan nan sistèm verifikasiyon SAVE la. Apresa, SAVE tcheke enfòmasyon an pou l konpare l ak enfòmasyon ki nan bazdone Depatman Sekirite Nasional Lèzetazini (Department of Homeland Security: DHS) epi apre li voye repons bay ajans lan elektwonikman.

Nan pliske 90% nan ka yo, SAVE voye repons sou kondisyon imigrasyon w lan bay ajans lan elektwonikman nan 3 a 5 segonn e pa gen enfòmasyon adisyonèl ki nesesè. Sepandan, nan sèten ka, SAVE ka mande ajans lan pran plis enfòmasyon nan men w.

Bay enfòmasyon anplis

Pou ka ke yo pa bay verifikasyon imedyatman, SAVE ka bezwen plis enfòmasyon ak yon kopi dokiman imigrasyon w yo. Lè yo mande enfòmasyon sa a, sa **pa** nesesèman vle di ke w se yon moun k ap viv Ozetazini san papye oswa ke w pa elijib pou benefis w ap mande yo. **Se responsabilite w pou w soumet bay ajans lan dokiman ak enfòmasyon ajou yo mande yo pou asire ke pwosesis verifikasyon sou kondisyon imigrasyon w lan egzak e ke l fèt alè.** Si sa pa gen lontan ke ou mete enfòmasyon w lan ajou oswa si kondisyon imigrasyon w lan chanje tou lòt jou, mizajou sa a ka afekte tan li pran pou pwosesis verifikasyon an.

Yon fwa ou bay ajans lan enfòmasyon adisyonèl sa a, ajans lan pral inisyé yon lòt demann verifikasyon atravè sistèm SAVE la. SAVE pral fè yon verifikasyon afon pou dosye w yo e li pral bay ajans k ap akòde benefis la yon repons elektwonik nan 3 a 5 jou federal ouvrab. Nan sikonsans kote yo bezwen yon kopi dokiman imigrasyon w lan pou konplete rechèch dosye a, repons elektwonik SAVE la ka pran jiska 20 jou federal ouvrab. Pou enfòmasyon anplis sou pwosesis verifikasyon an, tanpri, vizite paj “[Pwosesis Verifikasyon SAVE](#)”.

Si pwogram SAVE la pa ka konfime kondisyon imigrasyon w lan apre pwosesis verifikasyon an fin fêt, yo pral ba w yon opòtinite pou w fè koreksyon nan dosye imigrasyon w lan e pou w re-aplike pou benefis ak/oswa pou w ale ann apèl poutèt ajans k ap akòde benefis la refize ba w benefis.

Si w panse pwogram SAVE la pat bay ajans k ap akòde benefis la bon enfòmasyon sou kondisyon imigrasyon w lan oswa si w bezwen fè koreksyon nan dosye imigrasyon w lan, tanpri, gade nan paj “[Kouman pou fè koreksyon nan dosye w](#)”.